



19. november 2019

UKA 2019/44
Aqqalu C.Jerimiassen

Itilliarsummi ikerasaliortoqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Stine Egede, Inuit Ataqatigiit)

UKA2014 Atassummi Inatsisartuni ilaasortaasimasut Gerhardt Petersen aammalu Knud Kristiansen, ikerasaliortiternissamik siunnersuuteqarlutik inatsisartut aaliagiiffigisassaattut qaqitaqaraluarput, ajoraluartumilli taamani inatsisartut ataatsimiinnissaraluar maanaannaq ajalunera peqqutaalluni imm.56 kiviinnartunut ilaasimavoq.

Taamaattumillu uunga siunnersuummut tapersiinnissarput qularutigineqassanngilaq, Atassummiimmi siunnersuutaaqqaarnikoq peqqutissaqanngilagut itingartinniassallugu.

Maana ilisimaarilluarparput, nunatta kujataa angallannikkut inissisimalersimanera imaannaanngitsupilussuarumiilernikoq, minnerunneqisumillumi sikorsuaqartillugu unammillernartumiittuarternera ilisimaaralugu.

Angallannikkut pitsanngorsaannissamik maanna nunatta kujataani siunnerfeqarluni Qaqortumi mittarfeqalersitsinissaq eqqarsaatigissagaanni, tulluuttuusorinarpoq maannangaq misissuleriissallugu immami angallannikkut periarfissat ilanngullugit aqqutissiuutilernissaannut mittarfissat naammassiartuaarnerata aqqani.

Pinngortitarsuarput nunatsinni peqqarniissinnaasuvoq, inuup inuuneralumi qasseriamita annaaneqarnikuua imarsiorluni angalanermi sineriassuarput tamakkerlugu. Nunami taama angitigisumi najungaqartilluta pisariaqarpoq periarfissat nutaat uagutsinnut oqilisaataasinnaasut tamaasa sapinngisamik piviusunngortissinnaaniartassallugit, tusakatannarseqaarmi oqaaseq; tassa ajutoortoqarnissaa utaqqiinnarparpunaasit qisuariartoqarnissaanut. Uiarteritillunimi imarpiinnarmut ammaannartorsuarmut anillakaattarneq imarlussinnaaqisumut piummat.

Ikerasaliortitsineq angallannikkut isumannaannerusumik taamaallaat piunnanngilaq, aammattaarli arlalippassuarunik allanissaaq malitseqarsinnaanera takorloorneqarsinnaavoq. Eqqaamassuarpummi, aquuteqaraammiuku biiliniik orsutornikasiusartut, soorlimi siunnersuuteqartup taangaa orsussaq annertuupilussuaq tassuunakkutaaq sipaarneqarsinnaanngussamat, immaqalu ilaatigut umiarsuaqqamat targamulluunniit ilaanermi akigitinneqartut tassuunakkut apparsarneqaaqqissinnaalissallutik.

Taamatut oqaaseqarluta Atassuummiit siunnersuut taperserparput ataatsimiitsitaliamullu innersuullugu.